



**განათლების
საინსის განვითარების
ეროვნული ცენტრი**

უმადლეს საგანმანათლებლო პროგრამასთან დაკავშირებით საგანმანათლებლო პროგრამების აკრედიტაციის საბჭოს რეკომენდაციების შესრულების თაობაზე უმაღლესი საგანმანათლებლო დაწესებულების მიერ წარმოდგენილი ანგარიშის შესახებ დასკვნა

სამართლის სამაგისტრო საგანმანათლებლო პროგრამა

შპს - საქართველოს დავით აღმაშენებლის სახელობის უნივერსიტეტი

21.04.2022

დასკვნის მომზადების მიზანი

უმაღლესი საგანმანათლებლო პროგრამის აკრედიტაციის სტანდარტებთან შესაბამისობის უზრუნველყოფისთვის, საგანმანათლებლო პროგრამების აკრედიტაციის საბჭოს გადაწყვეტილებით გათვალისწინებული რეკომენდაციების ან/და რჩევების საგანმანათლებლო დაწესებულების მიერ შესრულების შეფასება.

ანგარიშის შეფასების პრინციპები

წარმოდგენილი ანგარიში უნდა შეფასდეს შემდეგი პრინციპების დაცვით

- ანგარიშის შევსების სისწორისა და თანდართული დოკუმენტაციის შესაბამისობის შეფასება
- აკრედიტაციის პროცესის შედეგად აკრედიტაციის ექსპერტთა ჯგუფის დასკვნაში ასახული რეკომენდაცი(ებ)ის ან/და რჩევ(ებ)ის შესწავლა
- საგანმანათლებლო პროგრამების აკრედიტაციის საბჭოს მიერ გადაწყვეტილების მიღებისას გამოკვეთილი და შესრულებული რეკომენდაცი(ებ)ის ან/და რჩევ(ებ)ის შესწავლა
- საგანმანათლებლო დაწესებულების მიერ რეკომენდაცი(ებ)ის ან/და რჩევ(ებ)ის შესრულებისთვის შერჩეული მეთოდების/მიდგომებისა და შედეგების შეფასება
- რეკომენდაცი(ებ)ისა ან/და რჩევ(ებ)ის შესრულების დამადასტურებელი მტკიცებულებების შეფასება
- ანგარიშის შესწავლის შედეგების ფორმირება

ექსპერტი

ზვიად როგავა

ინფორმაცია უმაღლესი საგანმანათლებლო დაწესებულების შესახებ

დაწესებულების სახელწოდება ორგანიზაციულ-სამართლებრივი ფორმის მითითებით	შპს - საქართველოს დავით აღმაშენებლის სახელობის უნივერსიტეტი
დაწესებულების სახე	უნივერსიტეტი
დაწესებულების საიდენტიფიკაციო კოდი	204886454

ინფორმაცია საგანმანათლებლო პროგრამის შესახებ

1	საგანმანათლებლო პროგრამის დასახელება	სამართალი
2	უმაღლესი განათლების საფეხური	მაგისტრატურა
3	კვალიფიკაციის დონე	მეშვიდე
4	კვალიფიკაციის დასახელება	სამართლის მაგისტრი
5	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
6	დეტალური სფეროს დასახელება და კოდი (ISCED – F – 2013)	0421, სამართალი
7	სწავლების ენა	ქართული
8	ECTS კრედიტების რაოდენობა	120
9	განხორციელების ადგილი	საქართველო, თბილისი, 0179, ი. ჭავჭავაძის გამზ. №25
10	საგანმანათლებლო პროგრამის სტატუსი-აკრედიტაცია შესაბამისი საბჭოს ბოლო გადაწყვეტილების თარიღი და ნომერი	აკრედიტებული, 2021 წლის 22 მარტის გადაწყვეტილება № 268094
11	გადაწყვეტილების ძალაში შესვლის თარიღი	2021 წლის 5 მარტი
12	საგანმანათლებლო პროგრამების აკრედიტაციის საბჭოს მიერ გაცემული რეკომენდაციების შესრულების შესახებ ანგარიშის წარმოსადგენად განსაზღვრული ვადა, თარიღი	2022 წლის 5 მარტამდე
13	აკრედიტაციის ვადის გასვლის თარიღი	2028 წლის 5 მარტი

საგანმანათლებლო პროგრამის აკრედიტაციის სტანდარტებთან შეფასება საგანმანათლებლო პროგრამებისაკრედიტაციის საბჭოს გადაწყვეტილების მიხედვით

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა	✓			
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა		✓		
3. სტუდენტთა მიღწევები, მათთან ინდივიდუალური მუშაობა	✓			
4. სწავლების რესურსებით უზრუნველყოფა	✓			
5. სწავლების ხარისხის განვითარების შესაძლებლობები	✓			

შესასრულებელი რეკომენდაცი(ებ)ი

1. რეკომენდებულია, უსდ-მ პროგრამის სწავლის შედეგების შეფასებისას გამოიყენოს იმ კონკრეტული დავალების შედეგი, რომელიც უშუალოდ ზომავს კონკრეტულ სწავლის შედეგს და არა სასწავლო კურსის ქულა;
2. პროგრამაზე დაშვების წინაპირობებისა და პროცედურების გამჭვირვალობის მიზნით, რეკომენდირებულია უნივერსიტეტმა საგანმანათლებლო პროგრამით განსაზღვროს შიდასაუნივერსიტეტო გამოცდების ფორმა, შინაარსი და პროცედურა ანუ ის მოთხოვნები და კრიტერიუმები, რომელთა საფუძველზეც შეარჩევს პროგრამაზე წარმატებული სწავლისათვის აუცილებელი ცოდნის, უნარებისა და გამოცდილების მქონე პირს;
3. რეკომენდირებულია უსდ-მ შეიმუშავოს სტუდენტთა სამეცნიერო-კვლევით პროექტებში მონაწილეობის წამახალისებელი მექანიზმები და უზრუნველყოს როგორც უნივერსიტეტის, ასევე სხვა სამეცნიერო ფონდების მიერ გამოცხადებული პროექტების/გრანტების თაობაზე სტუდენტთა დროული ინფორმირება;
4. რეკომენდირებულია, სამაგისტრო ნაშრომები რეალურად იყოს ორიენტირებული სამეცნიერო სიახლეზე, არსებული ცოდნის გაფართოებასა და ახალი ცოდნის შექმნაზე, რთული და წინააღმდეგობრივი იდეებისა და მიდგომების კრიტიკული ანალიზზე, სინთეზსა და შეფასებაზე. განსაკუთრებით უნდა გამკაცრდეს დამოკიდებულება პლაგიატის მიმართ;
5. გაძლიერდეს აკადემიური და მოწვეული პერსონალი ჩართულობა და მხარდაჭერა სამეცნიერო, კვლევითი, პროფესიული განვითარების პროგრამებსა და საერთაშორისო გაცვლით პროგრამებში;
6. რეკომენდირებულია, რომ აკრედიტაციის მიღების დროს გაცემული რეკომენდაციები და მათი შესრულება ასახული იყოს თვითშეფასების ანგარიშში;
7. სამაგისტრო პროგრამის სილაბუსებში მითითებულია ძალადაკარგული ნორმატიული აქტი, რომელიც აუცილებლად საჭიროებს განახლებას, შესაბამისად, სამაგისტრო საფეხურის სილაბუსებიდან ამოღებული იქნეს საქართველოს კანონი „საკონსტიტუციო სამართალწარმოების შესახებ“.



საგანმანათლებლო დაწესებულების მიერ წარმოდგენილი ანგარიშისა და რეკომენდაციების გათვალისწინების შესახებ ინფორმაცია

საგანმანათლებლო პროგრამების აკრედიტაციის საბჭოს 2021 წლის 22 მარტის N268094 გადაწყვეტილებით დაკმაყოფილდა შპს საქართველოს დავით აღმაშენებლის სახელობის უნივერსიტეტის მიერ წარდგენილი სააკრედიტაციო განაცხადი და „სამართლის“ სამაგისტრო საგანმანათლებლო პროგრამას 7 წლის ვადით მიენიჭა აკრედიტაცია, 1 წელიწადში რეკომენდაციების შესრულების თაობაზე ანგარიშის წარმოდგენით. საგანმანათლებლო პროგრამების აკრედიტაციის საბჭოს გადაწყვეტილება ძალაში შევიდა 2021 წლის 5 მარტიდან. შესაბამისად, დაწესებულებას ანგარიშის წარმოდგენის ვადად განისაზღვრა 2022 წლის 5 მარტამდე დროის პერიოდი.

სამართლის სამაგისტრო საგანმანათლებლო პროგრამასთან დაკავშირებით საგანმანათლებლო პროგრამების აკრედიტაციის საბჭოს რეკომენდაციების შესრულების თაობაზე დაწესებულებამ ანგარიში სსიპ - განათლების ხარისხის ეროვნულ ცენტრს წარუდგინა 2022 წლის 04 მარტს.

დაწესებულების მიერ წარმოდგენილი ანგარიშით დგინდება, რომ საგანმანათლებლო პროგრამების აკრედიტაციის საბჭოს მიერ გაზიარებული რეკომენდაციების შესრულების მიზნით დაწესებულებაში შეიკრიბა სამუშაო ჯგუფი, რომლის მუშაობაში, კომპეტენციის ფარგლებში, ჩართული იყო უნივერსიტეტის ხარისხის უზრუნველყოფის სამსახურის უფროსიც.

ანგარიშით დგინდება, რომ სამუშაო ჯგუფის საქმიანობას ხელმძღვანელობდა პროგრამის ხელმძღვანელი, ხოლო სამუშაო პროცესის ხელშეწყობასა და ჯგუფისათვის საჭირო ინფორმაციის მიწოდებას უზრუნველყოფდა სამართლის სკოლის დეკანი.

როგორც დაწესებულების მიერ წარმოდგენილი ანგარიშით დგინდება სამუშაო ჯგუფმა განიხილა საგანმანათლებლო პროგრამების აკრედიტაციის საბჭოს მიერ განსაზღვრული რეკომენდაციები, გამოითქვა გარკვეული მოსაზრებები, რომლებიც შეჯერებული იქნა სამაგისტრო პროგრამის განხორციელებაში ჩართულ პირებთან, სკოლის საბჭოს წევრებთან, მაგისტრანტებთან, პარტნიორი ორგანიზაციების წარმომადგენლებთან და სხვა დაინტერესებულ მხარეებთან.

წარმოდგენილი ანგარიშის თანახმად, დაწესებულების მიერ გაზიარებულ იქნა ყველა რეკომენდაცია. რეკომენდაციების ნაწილი აისახა სამაგისტრო პროგრამაში, ნაწილი კი მხარდაჭერილი და შესრულებული იქნება სამაგისტრო პროგრამის განვითარების პროცესში.

დაწესებულების ანგარიშის თანახმად, სამართლის სამაგისტრო საგანმანათლებლო პროგრამაში შესაბამისი ცვლილებები განხორციელდა უნივერსიტეტში მოქმედი „საგანმანათლებლო პროგრამების დაგეგმვის, შემუშავებისა და განვითარების მეთოდოლოგიის“ შესაბამისად,



კერძოდ, საგანმანათლებლო პროგრამა განიხილა სკოლის საბჭომ და განსახილველად გადასცა უნივერსიტეტის ხარისხის უზრუნველყოფის სამსახურს. ხარისხის უზრუნველყოფის სამსახურის დადებითი დასკვნის საფუძველზე საბაკალავრო პროგრამა დასამტკიცებლად წარედგინა აკადემიურ საბჭოს. აკადემიური საბჭოს 2022 წლის 4 თებერვლის N1 გადაწყვეტილებით დამტკიცდა სამართლის სამაგისტრო საგანმანათლებლო პროგრამა, საბჭოს მიერ განსაზღვრული რეკომენდაციების გათვალისწინებით.

რჩევ(ებ)ი

1. -----
2. -----

საგანმანათლებლო დაწესებულების მიერ წარმოდგენილი ანგარიშისა და რჩევების გათვალისწინების შესახებ ინფორმაცია

დამატებითი ინფორმაცია



რეკომენდაცი(ებ)ის ან/და რჩევ(ებ)ისგათვალისწინების შესახებ

სტანდარტის დასახელება	1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა
კომპონენტის დასახელება	1.2 პროგრამის სწავლის შედეგები
რეკომენდაცია I	რეკომენდებულია, უსდ-მ პროგრამის სწავლის შედეგების შეფასებისას გამოიყენოს იმ კონკრეტული დავალების შედეგი, რომელიც უშუალოდ ზომავს კონკრეტულ სწავლის შედეგს და არა სასწავლო კურსის ქულა
შეფასება	<p>რეკომენდაცია შეეხებოდა პროგრამის სწავლის შედეგების შეფასების მექანიზმს, კერძოდ, რეკომენდებული იყო უსდ-ს პროგრამის სწავლის შედეგების შეფასებისას გამოეყენა იმ კონკრეტული დავალების შედეგი, რომელიც უშუალოდ ზომავს კონკრეტულ სწავლის შედეგს და არა სასწავლო კურსის ქულა.</p> <p>მიუხედავად იმისა, რომ უსდ-ს შემუშავებული აქვს „სწავლის შედეგების შეფასების მექანიზმი“, რომელშიც დეტალურადაა გაწერილი პროგრამის სწავლის შედეგების შეფასების პროცედურები, პროგრამის სწავლის შედეგების შესაფასებლად გამოიყენებოდა არა იმ კონკრეტული დავალების შედეგი, რომელიც უშუალოდ ზომავს კონკრეტულ სწავლის შედეგს, არამედ პროგრამის სწავლის შედეგების განმამტკიცებელ სასწავლო კურსებში/კომპონენტებში მიღებული საბოლოო ქულა.</p> <p>რეკომენდაციის გათვალისწინების მიზნით, უსდ-ის მიერ პროგრამის თითოეულ სწავლის შედეგთან მიმართებით დაკორექტირდა სამიზნე ნიშნულები (N 4 დანართი). აღნიშნულ დოკუმენტში აისახა არა მხოლოდ პროგრამის სწავლის შედეგების განმამტკიცებელი სასწავლო კურსები და კომპონენტები, არამედ ის კონკრეტული დავალებებიც, რომლთა შედეგებიც იზომება პროგრამის კონკრეტული სწავლის შედეგი.</p> <p>მიუხედავად იმისა, რომ „სწავლის შედეგების შეფასების მექანიზმი“-ს თანახმად, საგანმანათლებლო პროგრამასთან მიმართებით უნდა არსებობდეს სწავლის შედეგების შეფასების გეგმა, სადაც ნაჩვენებია იქნება თუ როდის, ვის მიერ, სტუდენტთა რა რაოდენობაზე შეფასდება პროგრამის თითოეული სწავლის შედეგი, უსდ-ს სწავლის შედეგების შეფასების გეგმა არ წარმოუდგენია.</p>



	შესაბამისად, საგანმანათლებლო პროგრამების აკრედიტაციის საბჭოს გადაწყვეტილების 4.1 პუნქტით გათვალისწინებული რეკომენდაცია უსდ-ის მიერ შესრულებულია ნაწილობრივ.
რჩევა	
შეფასება	
მტკიცებულებ(ებ)ა	<ul style="list-style-type: none"> • სწავლის შედეგების შეფასების მექანიზმი; • სამართლის სამაგისტრო საგანმანათლებლო პროგრამა; • კურიკულუმის რუკა (დანართი 3); • სამიზნე ნიშნულები (დანართი 4).

სტანდარტის დასახელება	2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა
კომპონენტის დასახელება	2.1 პროგრამაზე დაშვების წინაპირობები
რეკომენდაცია II	<p>პროგრამაზე დაშვების წინაპირობებისა და პროცედურების გამჭვირვალობის მიზნით, რეკომენდირებულია უნივერსიტეტმა საგანმანათლებლო პროგრამით განსაზღვროს შიდასაუნივერსიტეტო გამოცდების ფორმა, შინაარსი და პროცედურა ანუ ის მოთხოვნები და კრიტერიუმები, რომელთა საფუძველზეც შეარჩევს პროგრამაზე წარმატებული სწავლისათვის აუცილებელი ცოდნის, უნარებისა და გამოცდილების მქონე პირს</p>
შეფასება	<p>პროგრამაზე დაშვების წინაპირობებისა და პროცედურების გამჭვირვალობის მიზნით, რეკომენდირებული იყო უსდ-ს საგანმანათლებლო პროგრამით ან საგანმანათლებლო პროგრამის დანართით განესაზღვრა შიდასაუნივერსიტეტო გამოცდების ფორმა, შინაარსი და პროცედურა.</p> <p>საგანმანათლებლო პროგრამების აკრედიტაციის საბჭოს რეკომენდაციების შესრულების თაობაზე დაწესებულების ანგარიშით დგინდება, რომ გარდა საგანმანათლებლო პროგრამით გათვალისწინებული პროგრამაზე დაშვების წინაპირობებისა, მაგისტრანტობის კანდიდატთა რეგისტრაციის ვადები, წარსადგენი დოკუმენტაციის ნუსხა და სკოლის საბჭოს მიერ დამტკიცებული საგამოცდო საკითხები თავსდება უნივერსიტეტის ვებ-გვერდზე.</p> <p>გარდა ამისა, უსდ-ის მიერ მაგისტრანტობის კანდიდატებთან ტარდება საინფორმაციო ხასიათის შეხვედრები, სადაც დაინტერესებულ პირებს დაწვრილებით განემარტებათ შიდასაუნივერსიტეტო გამოცდების ფორმასთან, შეფასების კრიტერიუმებთან და სხვა საკითხებთან დაკავშირებული საკითხები.</p>



	<p>დაწესებულების მიერ წარმოდგენილი ანგარიშით დგინდება, რომ შიდასაუნივერსიტეტო გამოცდებთან დაკავშირებით დეტალური ინფორმაცია, მათ შორის, შიდასაუნივერსიტეტო გამოცდების ფორმა, შინაარსი და პროცედურა დეტალურადაა ასახულია უნივერსიტეტის „სამაგისტრო პროგრამებზე მიღების წესში“, რომელიც განთავსებულია უნივერსიტეტის ვებგვერდზე და ხელმისაწვდომია დაინტერესებულ პირთათვის.</p> <p>შესაბამისად, საგანმანათლებლო პროგრამების აკრედიტაციის საბჭოს გადაწყვეტილების 4.2 პუნქტით გათვალისწინებული რეკომენდაცია უსდ-ის მიერ შესრულებულია სრულად.</p>
რჩევა	
შეფასება	
მტკიცებულებ(ებ)ა	<ul style="list-style-type: none"> • მაგისტრანტობის კანდიდატთა რეგისტრაციის ვადები და წარსადგენი დოკუმენტაციის ნუსხა https://sdasu.edu.ge/ka/siakhleebi/article/84133-magistrantobis-kandidattha-sayuradghebod • საქართველოს დავით აღმაშენებლის სახელობის უნივერსიტეტის „სამაგისტრო პროგრამებზე მიღების წესი“ https://sdasu.edu.ge/ka/chven-shesakheb/normatiuli-baza • საგანმანათლებლო პროგრამების აკრედიტაციის საბჭოს რეკომენდაციების შესრულების თაობაზე დაწესებულების ანგარიში.

სტანდარტის დასახელება	2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა
კომპონენტის დასახელება	2.3. სასწავლო კურსი
რეკომენდაცია VII	სამაგისტრო პროგრამის სილაბუსებში მითითებულია ძალადაკარგული ნორმატიული აქტი, რომელიც აუცილებლად საჭიროებს განახლებას, შესაბამისად, სამაგისტრო საფეხურის სილაბუსებიდან ამიღებული იქნეს საქართველოს კანონი „საკონსტიტუციო სამართალწარმოების შესახებ“.
შეფასება	<p>რეკომენდაცია შეეხებოდა სამაგისტრო საფეხურის ცალკეული სასწავლო კურსების სილაბუსების სასწავლო რესურსებიდან „საკონსტიტუციო სამართალწარმოების შესახებ“ საქართველოს კანონის ამოღებას, როგორც ძალადაკარგულის.</p> <p>აღნიშნული რეკომენდაციის გათვალისწინების მიზნით, უსდ-ის მიერ სასწავლო კურსის „გერმანიისა და საქართველოს საკონსტიტუციო სასამართლოს პრეცედენტული გადაწყვეტილებები“-ს სილაბუსის სასწავლო რესურსებიდან ამოღებულია ძალადაკარგული ნორმატიული აქტი -</p>



	<p>საქართველოს კანონი „საკონსტიტუციო სამართალწარმოების შესახებ“</p> <p>შესაბამისად, საგანმანათლებლო პროგრამების აკრედიტაციის საბჭოს გადაწყვეტილების 4.7 პუნქტით გათვალისწინებული რეკომენდაცია უსდ-ის მიერ შესრულებულია სრულად.</p>
რჩევა	
შეფასება	
მტკიცებულებ(ებ)ა	<ul style="list-style-type: none"> • სასწავლო კურსის „გერმანიისა და საქართველოს საკონსტიტუციო სასამართლოს პრეცედენტული გადაწყვეტილებები“-ს სილაბუსი.

სტანდარტის დასახელება	2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა
კომპონენტის დასახელება	2.4. პრაქტიკული, სამეცნიერო/კვლევითი/შემოქმედებითი/საშემსრულებლო და ტრანსფერული უნარების განვითარება
რეკომენდაცია III	<p>რეკომენდირებულია უსდ-მ შეიმუშავოს სტუდენტთა სამეცნიერო-კვლევით პროექტებში მონაწილეობის წამახალისებელი მექანიზმები და უზრუნველყოს როგორც უნივერსიტეტის, ასევე სხვა სამეცნიერო ფონდების მიერ გამოცხადებული პროექტების/გრანტების თაობაზე სტუდენტთა დროული ინფორმირება</p>
შეფასება	<p>რეკომენდაცია შეეხებოდა სამომავლოდ სტუდენტთა სამეცნიერო-კვლევით პროექტებში მონაწილეობის წამახალისებელი მექანიზმების გაუმჯობესებას და როგორც უნივერსიტეტის, ასევე სხვა სამეცნიერო ფონდების მიერ გამოცხადებული პროექტების, გრანტების თაობაზე სტუდენტთა დროული ინფორმირების უზრუნველყოფას.</p> <p>რეკომენდაცია განპირობებული იყო სამართლის სამაგისტრო საგანმანათლებლო პროგრამის სტუდენტთა სამეცნიერო-კვლევით პროექტებში მინაწილეობის დაბალი მაჩვენებლით.</p> <p>უნდა აღინიშნოს, რომ დაწესებულება სხვადასხვა ფორმით მხარს უჭერს სტუდენტთა კვლევითი უნარების განვითარებას და სამეცნიერო-კვლევით პროექტებში სტუდენტთა მონაწილეობის წახალისებას.</p> <p>სტუდენტთა კვლევითი და ტრანსფერული უნარების განვითარების მიზნით, უნივერსიტეტში მოქმედებს სტუდენტთა სამეცნიერო კლუბი, რომლის მიზანია სამეცნიერო კვლევებში</p>



<p>სტუდენტთა ჩართულობის ზრდა და სტუდენტთა სამეცნიერო-კვლევითი საქმიანობის განვითარება.</p> <p>სტუდენტთა კვლევითი და ტრანსფერული უნარების განვითარების მიზნით, უსდ-ის მიერ ყოველწლიურად ტარდება სტუდენტთა სამეცნიერო კონფერენციები, ხოლო კონფერენციის თეზისები უნივერსიტეტის მიერ იბეჭდება კრებულის სახით.</p> <p>სტუდენტთა კვლევითი უნარების განვითარების მიზნით, უსდ-ს გაფორმებული აქვს თანამშრომლობის მემორანდუმები ა(ა)იპ - ახალგაზრდა სამეცნიერო გაერთიანებასთან, სსიპ - საქართველოს იუსტიციის სასწავლო ცენტრთან, საქართველოს მეცნიერებათა ეროვნულ აკადემიასთან და სხვა.</p> <p>უსდ-ს შემუშავებული და დამტკიცებული აქვს სტუდენტური პროექტების დაფინანსების წესი, რომელიც მიზნად ისახავს, მათ შორის, სტუდენტების კვლევითი ინიციატივების მხარდაჭერას. სტუდენტური პროექტების დაფინანსების წესი ითვალისწინებს კვლევით პროექტებს შორის, კონკურსის წესით, საუკეთესოთა გამოვლენას და უნივერსიტეტის ბიუჯეტიდან მათ დაფინანსებას. „სტუდენტური პროექტების დაფინანსების წესი“ განთავსებულია უნივერსიტეტის ვებგვერდზე, საჯარო და ხელმისაწვდომია.</p> <p>მიმდინარე წელს უსდ-ის მიერ სამაგისტრო პროგრამის სტუდენტებისათვის ორგანიზებული იქნა ვებინარი, რომელიც დაეთმო Legal Collection და HeinOnline Legal Classics რესურსების სამეცნიერო - პრაქტიკულ და საგანმანათლებლო მიზნებისთვის გამოყენებას.</p> <p>უსდ-ში არსებობს სტუდენტთა ინფორმირების ელექტრონული სერვისები, რომელიც სტუდენტს აძლევს საშუალებას მიიღოს ინფორმაცია უნივერსიტეტში მიმდინარე პროცესებისა და სიახლეების, მათ შორის, სამეცნიერო კონფერენციების შესახებ,</p> <p>სამეცნიერო-კვლევით პროექტებში სამართლის სამაგისტრო საგანმანათლებლო პროგრამის სტუდენტთა მონაწილეობის მაჩვენებლის ზრდის მიზნით, უსდ გამოხატავს სრულ მზაობას კიდევ უფრო გაზარდოს სტუდენტთა დროული ინფორმირება</p>



	<p>გამოცხადებული გრანტების, პროექტების, კონფერენციების თაობაზე, გაზარდოს საინფორმაციო შეხვედრების სიხშირე, სადაც სტუდენტებს განემარტებათ მათთვის საინტერესო საკითხები კვლევითი ინტერესებიდან გამომდინარე.</p> <p>შესაბამისად, საგანმანათლებლო პროგრამების აკრედიტაციის საბჭოს გადაწყვეტილების 4.3 პუნქტით გათვალისწინებული რეკომენდაცია უსდ-ის მიერ მხარდაჭერილია სრულად.</p>
რჩევა II	
შეფასება	
მტკიცებულებ(ებ)ა	<ul style="list-style-type: none"> • შპს საქართველოს დავით აღმაშენებლის სახელობის უნივერსიტეტის სტუდენტური პროექტების დაფინანსების წესი. https://sdasu.edu.ge/media • საგანმანათლებლო პროგრამების აკრედიტაციის საბჭოს რეკომენდაციების შესრულების თაობაზე დაწესებულების ანგარიში.

სტანდარტის დასახელება	3. სტუდენტთა მიღწევები, მათთან ინდივიდუალური მუშაობა
კომპონენტის დასახელება	3.2 მაგისტრანტთა და დოქტორანტთა ხელმძღვანელობა
რეკომენდაცია IV	<p>რეკომენდირებულია, სამაგისტრო ნაშრომები რეალურად იყოს ორიენტირებული სამეცნიერო სიახლეზე, არსებული ცოდნის გაფართოებასა და ახალი ცოდნის შექმნაზე, რთული და წინააღმდეგობრივი იდეებისა და მიდგომების კრიტიკული ანალიზზე, სინთეზსა და შეფასებაზე. განსაკუთრებით უნდა გამკაცრდეს დამოკიდებულება პლაგიატის მიმართ.</p>
შეფასება	<p>რეკომენდაცია შეეხებოდა სამომავლოდ სამაგისტრო ნაშრომების შესრულების ხარისხის გაუმჯობესებას, მათ შორის, პლაგიატის მიმართ დამოკიდებულების გამკაცრებას.</p> <p>რეკომენდაცია განპირობებული იყო ცალკეულ სამაგისტრო ნაშრომებში ექსპერტთა მიერ გამოვლენილი როგორც შინაარსობრივი, ისე ფორმალური ხასიათის ხარვეზებით.</p> <p>უსდ გამოთქვამს სრულ მზაობას აღნიშნული რეკომენდაციის შესასრულებლად განახორციელოს ქმედითი ღონისძიებები, რაც დასტურდება უნივერსიტეტის მიერ წარმოდგენილი დოკუმენტებითაც.</p> <p>უსდ-ს შემუშავებული აქვს „სამაგისტრო ნაშრომების შესრულების და დაცვის დებულება“, რომლის თანახმად, სამაგისტრო ნაშრომის თემის შერჩევა ხდება სტუდენტისა და</p>



	<p>მისი სამეცნიერო ხელმძღვანელის მოსაზრებების შეჯერების საფუძველზე. თემის შერჩევა ხდება როგორც პერსონალის კვლევის მიმართულების ფარგლებში სკოლის საბჭოს მიერ განხილული და შეთავაზებული თემების ჩამონათვალიდან, ასევე სტუდენტის კვლევითი ინტერესების გათვალისწინებით. სამაგისტრო თემას და თემის ხელმძღვანელს განიხილავს და ამტკიცებს სამართლის სკოლის საბჭო. სამეცნიერო ხელმძღვანელს უნდა ჰქონდეს სამაგისტრო ნაშრომის ზოგად თემატიკასთან /მიმართულებასთან შესაბამისი კვლევის გამოცდილება ან/და გამოქვეყნებული სამეცნიერო ნაშრომი.</p> <p>აღსანიშნავია, რომ სამაგისტრო ნაშრომთან დაკავშირებულ საკითხებზე სტუდენტს კონსულტაციას უწევს არა მხოლოდ სამეცნიერო ხელმძღვანელი, არამედ სამაგისტრო პროგრამის ხელმძღვანელიც. სამეცნიერო ხელმძღვანელი ვალდებულია სამაგისტრო ნაშრომზე მუშაობის დაწყებამდე მაგისტრანტს აუხსნას სამეცნიერო შედეგებისა და სამეცნიერო ლიტერატურული წყაროების გამოყენების წესი, კორექტული ციტირების პრინციპები, აკადემიური კეთილსინდისიერების სტანდარტები და მათი დარღვევით გამოწვეული შედეგები.</p> <p>ზემოაღნიშნული დებულების თანახმად, მაგისტრანტი ვალდებულია, ანტიპლაგიატის დებულებით განსაზღვრულ ვადებში, წარადგინოს დასრულებული სამაგისტრო ნაშრომი პლაგიატზე შემოწმებისთვის. სამაგისტრო ნაშრომის საჯარო დაცვაზე დაშვების ერთ-ერთი წინაპირობაა ნაშრომის პლაგიატზე შემოწმების დადებითი დასკვნა.</p> <p>შესაბამისად, საგანმანათლებლო პროგრამების აკრედიტაციის საბჭოს გადაწყვეტილების 4.4 პუნქტით გათვალისწინებული რეკომენდაცია უსდ-ის მიერ მხარდაჭერილია სრულად.</p>
რჩევა II	
შეფასება	
მტკიცებულებ(ებ)ა	<ul style="list-style-type: none"> • შპს საქართველოს დავით აღმაშენებლის სახელობის უნივერსიტეტის სამაგისტრო ნაშრომის შესრულებისა და დაცვის დებულება https://sdasu.edu.ge/media • საგანმანათლებლო პროგრამების აკრედიტაციის საბჭოს რეკომენდაციების შესრულების თაობაზე დაწესებულების ანგარიში.



სტანდარტის დასახელება	4. სწავლების რესურსებით უზრუნველყოფა
კომპონენტის დასახელება	4.2 აკადემიური, სამეცნიერო და მოწვეული პერსონალის პროფესიული განვითარება
რეკომენდაცია V	გამლიერდეს აკადემიური და მოწვეული პერსონალი ჩართულობა და მხარდაჭერა სამეცნიერო, კვლევითი, პროფესიული განვითარების პროგრამებსა და საერთაშორისო გაცვლით პროგრამებში.
შეფასება	<p>რეკომენდაცია შეეხებოდა სამომავლოდ აკადემიური და მოწვეული პერსონალის სამეცნიერო, კვლევითი, პროფესიული განვითარების პროგრამებსა და საერთაშორისო გაცვლით პროგრამებში ჩართულობის გაძლიერებასა და უსდ-ის მხრიდან მათ მხარდაჭერას.</p> <p>რეკომენდაცია განპირობებული იყო აკადემიური და მოწვეული პერსონალის სამეცნიერო, კვლევითი, პროფესიული განვითარების პროგრამებსა და საერთაშორისო გაცვლით პროგრამებში ჩართულობის დაბალი მაჩვენებლით.</p> <p>უნდა აღინიშნოს, რომ დაწესებულება სხვადასხვა ფორმით მხარს უჭერს აკადემიური და მოწვეული პერსონალის სამეცნიერო, კვლევითი, პროფესიული განვითარების პროგრამებსა და საერთაშორისო გაცვლით პროგრამებში ჩართულობას, კერძოდ, აკადემიური და მოწვეული პერსონალის სამეცნიერო-კვლევითი საქმიანობის მხარდაჭერის მიზნით უნივერსიტეტი:</p> <ul style="list-style-type: none"> • ყოველწლიურად აცხადებს შიდა საგრანტო კონკურსს; • გამოსცემს რეფერირებად და რეცენზირებად სამეცნიერო ჟურნალს „სპექტრს“, სადაც აკადემიურ, მოწვეულ პერსონალსა და სტუდენტებს უფინანსებს ნაშრომის ბეჭდვის ხარჯებს; • აფინანსებს სამეცნიერო კვლევების ორგანიზების, სამეცნიერო შრომების გამოქვეყნების, სამეცნიერო კონფერენციებში მონაწილეობის, სამეცნიერო ნაშრომის (მონოგრაფიის, სახელმძღვანელოს, თარგმანის, სტატიის და სხვა) გამოცემის ხარჯებს; • სამეცნიერო-კვლევებისა და უწყვეტი განათლების ცენტრის მეშვეობით მუდმივად აწვდის აკადემიურ და მოწვეულ პერსონალს ინფორმაციას საგრანტო პროექტების,



	<p>ადგილობრივი და საერთაშორისო კონფერენციების და ა.შ. შესახებ. ატარებს საინფორმაციო შეხვედრებს.</p> <p>სამეცნიერო - კვლევითი და პროფესიული განვითარების მხარდაჭერის მიზნით, აკადემიური და მოწვეული პერსონალისთვის სააკრედიტაციო პერიოდში უსდ-ის მიერ ორგანიზებულია ტრენინგები თემაზე:</p> <p>საანგარიშო პერიოდში უნივერსიტეტის სამეცნიერო კვლევებისა და უწყვეტი განათლების ცენტრის და პერსონალის მართვის სამსახურის მიერ პერსონალის კვალიფიკაციის ამაღლების მიზნით, დაიგეგმა და განხორციელდა/დაფინანსდა ტრენინგები. კერძოდ:</p> <ul style="list-style-type: none">• „სამეცნიერო საგრანტო განაცხადის მომზადება.“ (2018 წლის 15 ნოემბერი);• „აკადემიური პლაგიატი, მისი გამოვლენა და პრევენცია“ (2018 წლის 17 დეკემბერი);• „პრობლემაზე დაფუძნებული სწავლება და ღირებულებითი განათლების მეთოდოლოგია“ (2019 წლის 22 იანვარი);• „საერთაშორისო საბიბლიოთეკო ბაზებზე წვდომა“ (2019 წლის 8-16 ივლისი);• „ელსევიერის ბაზების (Scopus, Science Direct და Scival Fiunding(Funding Institutional) მოხმარების შესახებ“ (2019 წლის 1 ნოემბერი);• „ეროვნული კვალიფიკაციების ჩარჩო, სწავლის სფეროების კლასიფიკატორი“ (2019 წლის 13 ნოემბერი); <p>გარდა ამისა, უსდ-ის ორგანიზებით 2020 წლის 6 მაისს აკადემიური პერსონალისთვის გაიმართა ვებინარი, სადაც განხილული იქნა შემდეგი საკითხები:</p> <ul style="list-style-type: none">• სტუდენტების (დოქტორანტების) სამეცნიერო ნაშრომების შეფასების მეთოდები;• ვერიფიკაციის (სარწმუნოობის) პროცესის შეფასება;• LMS ინტეგრაციის, ყველა ტიპის ნაშრომის ვერიფიკაცია და დისციპლინური ქმედებები. <p>უსდ გამოხატავს სრულ მზაობას პროგრამის განვითარების პროცესში მუდმივად მხარი დაუჭიროს აკადემიური და</p>
--	--



	<p>მოწვეული პერსონალის სამეცნიერო, კვლევითი, პროფესიული განვითარების პროგრამებსა და საერთაშორისო გაცვლით პროგრამებში ჩართულობას.</p> <p>შესაბამისად, საგანმანათლებლო პროგრამების აკრედიტაციის საბჭოს გადაწყვეტილების 4.5 პუნქტით გათვალისწინებული რეკომენდაცია უსდ-ის მიერ მხარდაჭერილია სრულად.</p>
რჩევა II	
შეფასება	
მტკიცებულებ(ებ)ა	<ul style="list-style-type: none"> საქართველოს დავით აღმაშენებლის სახელობის უნივერსიტეტის სამეცნიერო ჟურნალი „სპექტრი“; https://sdasu.edu.ge/ka/publikaciebi უსდ-ის მიერ წარმოდგენილი ინფორმაცია წინა სააკრედიტაციო პერიოდში აკადემიური და მოწვეული პერსონალისთვის ორგანიზებული ტრენინგების შესახებ.

სტანდარტის დასახელება	5. სწავლების ხარისხის განვითარების შესაძლებლობები
კომპონენტის დასახელება	5.2 გარე ხარისხის შეფასება
რეკომენდაცია VI	რეკომენდირებულია, რომ აკრედიტაციის მიღების დროს გაცემული რეკომენდაციები და მათი შესრულება ასახული იყოს თვითშეფასების ანგარიშში
შეფასება	<p>რეკომენდაცია შეეხებოდა წინა აკრედიტაციის პერიოდში გაცემული რეკომენდაციებისა და მათი შესრულების ასახვას სამომავლოდ წარსადგენ თვითშეფასების ანგარიშებში.</p> <p>უსდ გამოხატავს სრულ მზაობას საგანმანათლებლო პროგრამების აკრედიტაციის საბჭოს რეკომენდაციები და მათი შესრულების შესახებ ინფორმაცია სრულად ასახოს მომავალში წარსადგენ თვითშეფასების ანგარიშებში.</p> <p>შესაბამისად, საგანმანათლებლო პროგრამების აკრედიტაციის საბჭოს გადაწყვეტილების 4.6 პუნქტით გათვალისწინებული რეკომენდაცია უსდ-ის მიერ მხარდაჭერილია სრულად.</p>
რჩევა II	
შეფასება	
მტკიცებულებ(ებ)ა	<ul style="list-style-type: none"> საგანმანათლებლო პროგრამების აკრედიტაციის საბჭოს რეკომენდაციების შესრულების თაობაზე დაწესებულების ანგარიში.



თანდართული დოკუმენტაცია

1. საგანმანათლებლო პროგრამების აკრედიტაციის საბჭოს რეკომენდაციების შესრულების თაობაზე დაწესებულების ანგარიში - 14 ფურცელი;
2. სამართლის სამაგისტრო საგანმანათლებლო პროგრამა - 17 ფურცელი;
3. პროგრამის დანართი N 1 - სასწავლო გეგმა - 4 ფურცელი;
4. პროგრამის დანართი N 3 - კურიკულუმის რუკა - 1 ფურცელი;
5. პროგრამის დანართი N 4 - სამიზნე ნიშნულები - 5 ფურცელი;
6. სწავლის შედეგების შეფასების მექანიზმი - 3 ფურცელი;
7. სასწავლო კურსის „გერმანიისა და საქართველოს საკონსტიტუციო სასამართლოს პრეცედენტული გადაწყვეტილებები“-ს სილაბუსი - 11 ფურცელი;
8. სამაგისტრო ნაშრომის შესრულებისა და დაცვის დებულება - 14 ფურცელი;
9. ინფორმაცია უსდ-ის მიერ ორგანიზებული ტრენინგების შესახებ - 2 ფურცელი.

ექსპერტის ხელმოწერა